

籌辦夷務始末

籌辦夷務始末卷之二十九

咸豐八年戊午六月丙午

諭軍機大臣等前據桂良等奏。嘆佛夷船全數開出內河。俄夷亦
經起碇。當經諭令俟各夷船全數放洋後。桂良等即來京覆命。
現在內河既無夷船。其上岸修理之船。一經竣事。即可放洋。既
有譚廷襄在津防範。桂良等可以毋庸守候。著即迅速來京覆
命可也。

巡防王大臣惠親王等奏。本月初一日。御史吳焯奏請籌
防五條一摺。奉

硃批。巡防王大臣妥議具奏。欽此。臣等公同詳閱。該御史所奏摺

內稱諸夷就撫以後。宜於各海口及內江一帶處處設防。天津為近畿之地。其海口防範。視他省為尤要。其腹陳陳防條款。尚為明晰。臣等悉心籌畫。逐款推詳。其中尚有窒礙難行之處。謹就現在情形。分別裁擬五條。恭摺具奏。原奏內稱屯田以足兵食一條。查天津係近海之區。其地半多鹽碱。於耕種本不相宜。即稍有二三隙地。必已久作民田。今一旦議設兵屯田。不獨安置一切。諸多掣肘。抑且於津郡民生大有妨礙。該御史所請屯田一條。應毋庸議。原奏內稱復河運以利漕道一條。查近數年漕行久經海運。原因豐沛蕭楊決口以後。黃河未復故道。今若改復河

運不惟經費不貲。且南路賊氛未靖。必不便於興修。請
旨飭下該督撫並河臣漕臣等體察情形。悉心籌畫。請
旨遵行。

原奏內稱。募廣勇以習水戰一條。查廣勇一項。素稱強勁。
惟添一勇。即須添一勇之餉。經費已難籌畫。至今該勇之
有勇略者。著以武職使統率之。以為水戰之用。一節。於事
不無窒礙。現經奉

旨派出僧格林沁瑞麟前往天津。查看海口情形。自能妥為布置。
該御史所請募廣勇習水戰一條。應毋庸議。

原奏內稱。利器械以備戰具一條。查臺灣皮船係當年臺

灣道姚瑩總兵達洪阿用以制夷。現在該員等均已物故。無從詢悉。相應請

旨。飭下閩省督撫查明此項皮船是否堪用。及現在有無製造之人。即行奏明。至廣省人買置外洋礮。兼能製造。請廣為購。買運津。並募廣省人抵津鑄礮一節。現在京師礮位足敷應用。鑄造亦不乏人。若自粵運津。所費既多。招募亦非易易。該御史所奏。應毋庸議。

原奏內稱。卹死事以作民氣一條。據稱。

朝廷二百餘年。深仁厚澤。固結在民。逆夷天津一戰。津勇死者幾及千人。請予厚卹。兼免其家之租稅若干等語。所奏

甚屬得體。應請

旨飭下直隸總督譚廷襄。詳細查明此次陣亡之兵勇等應如何議卹之處。請

旨辦理。

諭內閣。忠親王等。議覆御史吳焯奏請籌防各條一摺。據該御史奏稱。此次天津鄉勇死事者。請予厚卹。並免其家租稅若干。著譚廷襄確切查明該兵勇等陣亡名數。奏請優卹。

黑龍江將軍奕劻

盛京副都統承志。齊齊哈爾副都統那敦德。署吉林副都統特普欽。奏准三姓副都統。轉據黑河口各員報稱。去歲在

黑匣子通傳占大輪船一隻。於四月初八日移往克爾穆
宏庫地方。聲稱迎接木哩斐岳幅。十八日由奇吉地方上
乘夷人二十名。來駕小船。該員述稱。欲進黑河口上駛迎
接木哩斐岳幅。再夷人前在霍爾托庫地方建立木城房
屋一所。俱已修完。又夷人在托爾國建立房一所。被荒火
燒燬。其存占夷人逃奔霍爾托庫住宿等語。並據黑龍江
副都統吉拉明阿。及委員等報稱。四月二十一日。見由江
面下駛俄夷大船三隻。小船五隻。詢據通事聲稱。木哩斐
岳幅帶領官兵來駕。前赴闊吞奇吉之便。特來城中辭別。
傍晚有大船三隻。小船五隻。駛至黑龍江城。木哩斐岳幅

等登岸。會見該副都統款待之際。詢據通事聲稱。木哩雙
岳幅。今日起行。下往之使。給大人請安。並將蓋房處所留
辦事。付管束夷人之因畢爾那托爾嘎爾薩枯幅。帶見相
認。言畢。乘船下駛。去訖。嘎爾薩枯幅。帶領夷人。駕小船回
行。二年三日。由江下來。大小夷官十八員。夷人二百餘名。
分駕木排。隨帶三板船一隻。裝載許多槍礮。並口糧羊隻。
駛至大黑河屯。江左夷人住處停泊。二十四等日。有夷官
十八員。夷人一百餘名。攜帶槍礮。乘駕木排下駛。前赴闊
屯奇吉等處。去訖。其餘夷人木排存留。於五月初一日。駛
至大黑河屯停泊。詢問通事聲稱。此人船由原處下來。此

處存留大輪船一隻。是日晚間。有大小夷官十員。夷人一
千餘名。乘駕大船五隻。三板船八十三隻。木筏八十串下
駛。前赴闊吞奇吉等處去訖。等情。當飭各該員。不時查報。
毋得激起釁端。再現在已與俄夷換字。江左占居夷人。照
常安靜。業咨副都統吉拉明阿。將吉林。黑龍江。兩省委員。
陸續撤回。

硃批知道了。

丁未。禮部左侍郎玉明。山海關副都統定福。奏六月初一
日申刻。據瞭望官弁報稱。石河口海口地方。距岸二里之
遙。有夷船二隻。停泊。督當即親往海口查看。時刻副都統定

福亦至。努等果見海面有夷船大小兩隻。均有烟筒。似屬
火輪。各帶杉板小船。在海口二里之遙停泊。尚未到岸。亦
不知確係何夷船隻。有其光景。似因朔日潮大。其杉板小
船。驟難駛入河口。

諭軍機大臣等。王明等奏。探有夷船停泊海口一摺。天津夷務。經
桂良等與各夷首面議條約。撫局暫定。現在駛往山海關石河
口之夷船二隻。如果駛入海口。著王明。定福。派人問明。係何國
船隻。可告以山海關非辦夷務之地。該侍郎等。亦非辦夷務之
人。令其速行退去。仍一面督飭弁兵。嚴密防範。不准沿海奸民。
有勾結接濟等事。令該夷人留戀不去。亦不得稍涉輕率。致啟

蒙
端

人

諭前因僧格林沁奏請飭調投誠義勇赴營協助當經諭令官本
德興阿即飭勇目詹起倫劉正發蔡連修等帶領義勇赴通州
軍營聽候調遣現在天津夷船已退所謂各路之兵俱可陸續
酌撤所有前調之勇目詹起倫等三名均著仍留各該大臣軍
營差遣毋庸帶勇前赴通州

人

諭前調哲里木盟官兵曾諭令慶祺就近催令赴京其昭烏達盟
官兵亦諭令英隆飛飭催趕並准總管常山分帶赴京現在天

津吏船已陸續退出海口。所有前調官兵自應暫緩前進以示體恤。哲里木盟官兵如尚未進關。即着於關外駐紮。如已入山海關。即飛飭折回。暫紮關外。其昭烏達盟官兵即於熱河哨內駐紮。常山亦毋庸來京。留於該處彈壓。俟續有諭旨再行分別遵辦。

戊申。

諭內閣着派瑞麟馳驛前往天津查辦事件。

禮部左侍郎王明燾等王明燾因

盛京官兵僅止短式鳥槍。無甚利器。擬請保定駐防僅槍四十桿。槍兵八十名。旗幟兵二十名。防禦一員。驍騎校二員。

委驍騎校四員。剋期統帶來關。業經一面飛調在案。迄今已逾半月之久。尚未見該城守尉覆報官兵起程日期。殊屬遲延。相應請

旨。飭下該城守尉。迅即如數揀派。剋期來關。以資防守。

諭軍機大臣等。王明泰前次調取保定駐防槍槍四十桿。並槍兵八十名。旗幟兵二十名。防禦一員。驍騎校二員。委驍騎校四員。前赴山海關。迄今半月之久。尚未據該城守尉覆報起程日期。請旨飭催等語。該城守尉郭勒敏。於王明泰調取槍槍及官兵等。何以日久未報起程。著譚廷襄查明具奏。至山海關原駐官兵。及近調盛京官兵。為數不少。無須另調。著譚廷襄。即飭郭勒敏。

將玉明調取之挂槍等件。酌撥官兵。解往山海關。交副都統定福收存備用。該官兵等。仍回保定駐防。毋庸留於山海關。

禮部左侍郎玉明。山海關副都統定福奏。六月初一日申刻。見石河口海面二里之遙。有夷船大小二隻。至初二日平明時。遙見該夷船退回大洋。向東南駛去。已無蹤影。等正在躊躇間。於初二日卯刻。石河口海口。迤西四五里之遙。復有大輪船一隻。自西而來。停泊海口。當即督飭官兵前往偵探。該夷有二十餘人。使舢板小船陸續登岸。內有一人名嗎吉士。粗通漢語。據云。係大佛國人。自天津而來。道經此地。欲瞻仰長城規模。別無他意等語。等因。未

知天津夷務大局。若何辦理。未便遽示兵威。姑且善為開導。該夷等在岸坐立數刻之久。其意仍欲觀瞻。目見營外馬隊排立。諒知我兵有備。始皆回入火船。於本日未刻。亦向東南駛入大洋而去。

山海關副都統定福。奏夷船二隻。逆於戍刻。直向東南駛去。正在會奏間。復報夷船一隻。停泊海口。且夷人登岸遊景。雖即回船。勢定福。復加派兵二百名。佐領順齡。委以營總。佐領扎魯善。防禦寶琳。碩隆武。曉騎校烏林泰。委以參領。駐紮海口。

已酉。

諭內閣。著派桂良。尼沙納。基溥。明善。攜帶欽差關防。馳驛前往江蘇。會同何桂清。妥議通商稅則事宜。所有隨帶司員。著一併馳驛。

諭軍機大臣等。慶祺著來京陛見。盛京將軍著玉明前往署理。慶祺俟玉明抵盛京後。即行馳驛來京。所有山海關防堵官兵。著定福統帶。

又

諭現在各夷通商條約已定。夷船均已起碇。出天津海口。據桂良等奏。英夷條約內開。立約之後。請欽派戶部大員。赴上海會同英夷。商定稅則。後該夷復遣呼泰咽。來求商定稅則。可否即派

江蘇巡撫趙德轍督同臬司現署上海道薛煥查辦等語。因思此次夷務章程係桂良等與該夷面定。自應一手經理。本日已明降諭旨。令桂良、花沙納、基溥、明善馳驛前往江蘇會同何桂清妥議通商稅則事宜矣。該督接奉此旨。即揀派熟悉夷務之員。屆時前赴上海聽候桂良等差遣。該夷如先到江蘇。該督即先行照會。俟桂良等到後。會議可也。會議明發旨一道抄錄附寄。以便宣示該夷。俾靜候欽差。勿致另生枝節。再此次商定稅則係夷務一大轉關。何桂清務須倍加慎密。不但嚴緝暗遞消息之漢奸為要。即京員或有信託。尤不可稍為搖惑。議論多而實學少。惟靜候內定辦法。方能於大局有益也。

庚戌直隸總督譚廷襄奏。礮臺失事各員內。把總李壩一員。先無下落。茲據查明。業已打仗陣亡。人續經查出內大器營正紅旗烏槍藍翎長富廣。打仗陣亡。委署天津鎮標又安汛千總候補千總劉英魁。打仗受傷。旋即身故。合無仰懇

聖恩。俯准將李壩。富廣二員。

敕部照例從優議卹。劉英魁一員。照陣亡例一併議卹。以慰忠魂。又先經查無下落之大沽協左營都司訥勒和。現經覆查並無陣亡確據。顯係逃避。應請

旨即行革職。嚴飭緝拏。獲日訊明正法。

諭內閣。譚廷襄奏查明礮臺失事各員請分別議卹等語。所
有天津打仗陣亡之把總李壠。正紅旗烏槍藍翎長富。廣均。著
交部照例從優議卹。因傷身故之候補千總劉英魁。著照陣亡
例一併議卹。都司訥勒和既查明並無陣亡確據。顯係逃避。著
即革職。嚴緝拏獲。後訊明正法。以肅軍律。

諭軍機大臣等。昨因各夷和約已成。降旨令桂良。花沙納。基溥。明
善。攜帶欽差關防。馳驛前往江蘇。會同何桂清。妥議通商稅則
事宜。著黃宗漢。飭令廣東紳士。布政使銜伍崇曜。前任鹽運使
潘仕成。即日前赴上海。聽候桂良等差遣委用。

士子。

欽差大臣科爾沁親王僧格林沁察哈爾都統西凌阿奏竊等僧
格林沁於六月初四日奉

聖訓後遵即起程折回通州大營將現在各處防兵通盤籌計除
分紮通州運河兩岸內外大器營礮營健銳技勇巡捕等
營官兵一千五百名密雲熱河兵各五百名宣化鎮兵一
千名共計三千五百名應請照舊分紮毋庸裁撤外現在
駐紮揚村之密雲兵五百名京旗兵二千名駐紮米育之
京旗兵九百名全行裁撤回旗其駐紮通州察哈爾官兵
二千名內等第挑留一千名以備調遣下餘一千名同現
屯

南苑之察哈爾兵一千名一併撤回以節經費至天津郡城
必須重鎮現咨令直隸提督托明阿酌帶本省綠營官兵
慎密防守該提督曾任綏遠城將軍若統帶綏遠城官兵
必可得力是以將現紮永有綏遠城兵一千名交該提督
一併統帶赴天津遶東屯紮其天津一切防範事宜必須
妥為布置現在瑞麟奉

命前往查辦事件路經通州努等會同悉心籌議惟夷船甫出海
口沿海布置備料鳩工尚需時日努僧格林沁現擬遣員
隨同瑞麟前往在天津遶東海河兩岸相度地勢情形尋
置安營以備先行移兵進紮並派京營將備前赴天津縣

屬查看樹株以備應用。

署察哈爾都統慶昶奏准直隸總督委員候補知府同熙帶同守備伴送俄夷他他哩訥幅一名到口。當由地方官投館安置。尚屬安靜。已於初三日派員伴送該夷出口。

硃批知道了。

慶昶又奏據參領達木林扎普報稱俄夷瑪拉提訥甫已於五月二十八日送出本境。並據伴送之員外郎福申等同專該夷行至頭臺。即指伊所帶之表。以示每日丑初起身。卯正茶。午初飯。戌正宿。日行三四臺不等。是以極其迅速。察其形色。急欲馳回。尚無別項情形。

硃批知道了。

奏。臣直隸總督譚廷襄奏。臣在天津。將兵勇分別留撤。即於初六日。馳抵大沽海口。據報。該夷原存大小火輪船八隻。初五日開行一隻。初六日開行四隻。尚有三隻。在攔江沙外停泊。茲於初七日。派弁探得該夷船三隻。全數起碇。回帆。又昨准山海關副都統來咨。暨山水協副將臨榆縣知縣等稟報。探有夷船三隻。於六月初一初二等日。先後駛近石河海口。旋即揚帆而去。各等情。臣查各夷船隻。有赴廣東上海者。亦有赴東洋日本等處者。現既一律回帆。沿海之防。均須次第妥為布置。大沽海口。南北兩岸礮臺。

已被轟壞。尤應設法趕緊修理。

硃批知道了。

閩浙總督王懿德。福建巡撫慶端奏准署福建水師提臣賴信揚來文內稱。現駐廈門。喚咭喇國領事馬禮遜。以該國公使。現派柏姓夷酋駕大輪船。欲往臺灣。收贖伊國遭風難夷。請移臺灣鎮道飭屬幫同細訪。並請給文交伊帶投。經提臣賴信揚等。嚴轉理說。第恐該夷船驟然到臺。請飭臺灣鎮道豫為布置等因。臣等查粵省夷務尚未平定。茲該國夷酋欲赴臺灣。收覓難民。海外重地。難保無別生枝節。福州廈門二口。防務亦關緊要。不敢以該處華夷現

尚相安。稍弛警備。臣等惟有悉心商酌。豫籌密防。仍隨時察看情形。相機妥辦。

硃批知道了。

乙卯。直隸提督托明阿奏。接准僧格林沁咨。將綏遠城馬隊官兵一千名。撥歸鄂統帶。其本省綠營官兵。由鄂酌調前往天津保衛等因前來。當即分行各營遵照。一面札商督臣譚廷襄酌量調留本省官兵去後。隨准督臣譚廷襄。函覆自軍興以來。直隸官兵。悉經征調。存營日少。馬蘭泰甯二鎮。向不征調。正定大名二鎮。防備南路。通永鎮。防備沿海。本年辦理夷務。僅調提督二標一千名。餘皆天津本

鎮之兵。嗣又奉

旨。調宣化兵一千名赴通。此外無可征調矣。現在天津除鎮標外。尚存營標屬兵三百餘名。儘可撥歸統帶。俟營抵津。再為商酌調撥等因。營現在提催綏遠城官兵趕緊前來。以便帶赴天津。定於十二日前往。俟抵津後。即與督臣譚廷襄會商保衛一切事宜。以期有備無患。

硃批。知道了。

戊午。

欽差大學士桂良。吏部尚書花沙納奏。四月初八日。天津走船。關八內河。營等奉

命前往查辦。荷蒙

皇上指示機宜。各夷感沐

皇上天恩。將船隻退出海口。陸續放洋而去。所有天津出力員弁。紳商。或冒險奔馳。不辭勞瘁。或立局募勇。緝匪安民。未便沒其微勞。相應請

旨。給予獎勵。以昭激勸。謹將出力員弁銜名。繕具清單。恭呈御覽。

桂良等又奏。再二品職員長蘆商人張錦客。向來急公好義。久為鄉里推服。此次夷船在津。該職員晝夜辛勤。捐資募勇。保衛城鄉。實屬異常出力。惟據該職員稟稱。自顧桑

梓事皆分所應為不敢仰邀

甄敘其應如何

給予獎勵之處。等語。未敢擅便。伏候

聖主鴻慈。再據張錦文稟稱。所有一切局務。均係職員梁超。前因捐買洋礮。蒙

同辦理。甚為出力。查該職員梁超。前因捐買洋礮。蒙

恩賞給同知銜。此次可否

賞戴藍翎。以示鼓勵之處。出自

聖恩。

諭內閣。桂良。花沙納奏。請將天津出力員弁紳商。懇恩獎勵一摺。

此次夷船開入天津。經桂良等剴切曉諭。現俱起碇。故洋該官

紳等或冒險奔馳或募勇緝匪均屬著有微勞自應量予鼓勵直隸署大沽協都司守備張振熊著賞加都司銜並賞換花翎外委馮萬年劉榮貴均著遇有把總缺出即行拔補捐職府經歷黃仲舍著以知縣歸部選用並賞加同知銜監生梁植著以府經歷歸部選用二品職員商人張錦文著該地方官給予花紅扁額以示獎勵職員梁超獻著賞戴藍翎該部知道

諭軍機大臣等現在天津夷船全數退回所有前調之哲里木昭烏達兩盟官兵各一千名是否應留何處兵一千名以備調用抑或全數撤回著僧格林沁酌量奏明所有應撤官兵尚須酌給獎賞再前據伊興額奏請飭調察哈爾馬五百匹等語曾諭

該副都統侯天津夷務辦竣再行挑撥並著僧格林沁察看情形能否於察哈爾調京馬匹內酌撥三四百匹赴伊興額軍營之處一併具奏

庚申

欽差大臣科爾沁親王僧格林沁奏遵即咨查直隸總督將所有天津海口共紮營盤幾座相距遠近前敵如何潰散後路曾否援應詳細聲覆以憑裁辦去後旋准該督咨覆前路礮臺及後路各營相距二三里及四五里互相連絡因礮臺及援應將弁多有傷亡後路練勇潰散連至失陷至副都統富勒敦奏紮營北岸于家堡地方距北礮臺陸路約

有六里。營內東營大礮。及噴子礮十五位。全行失陷。入護軍統領珠勒亨所帶馬隊。紮營北岸新河地方。距北礮臺不遠。侍郎國瑞所帶馬隊。紮營南岸新城迤南。距礮臺約有二十餘里。是日帶隊趕到。礮臺已失。原紮營盤未動等因。努覆加查。數富勒敦奏。統帶京營礮位。駐紮北岸。失陷礮位營盤。所獲各戍。與已革提督張殿元。已革總兵達壽。副將德魁。情罪相同。應請

旨將已革副都統富勒敦。奏即行拏問。交巡防王大臣照例治罪。珠勒亨。國瑞。統帶馬隊。於是船開入海口。礮臺失陷時。珠勒亨雖經督兵擊打。國瑞亦帶隊援應。究未能奮力攻擊。

均屬咎無可辭。應請

旨將革職留任護軍統領珠勒亨。刑部侍郎國瑞。一併交部嚴加議處。以昭炯戒。至夷船初到之時。在事者自當仰體

皇上柔遠至意。無須遽行開礮用武。迨夷船突入海口。偏緊礮臺。直隸總督譚廷襄。身任疆圉。復蒙

聖恩。節制重兵。自宜布置萬全。時刻隄防決裂。今夷船闖入閩江。沙內甫經開仗。兵勇潰散。礮臺失守。譚廷襄督率無方。已。有應得之咎。現據國瑞。富勒敦奏。親供。均稱前敵失利。譚廷襄等乘輅向西奔走等語。其為該督懼怯無能。貽誤事機。罪更難逭。且查道光年間。夷船闖入廈門。上海閩浙總

督顧伯素。兩江總督牛鑑。均經

嚴譴。况天津海口。為都城門戶。現被蹂躪。礮臺拆毀。礮位遺失。情形較重。謹附摺奏。可否將直隸總督譚廷襄。

飭交巡防王大臣。查詢辦理。並將張殿元。達平。德魁等。一併解交巡防處。嚴審定擬。以肅軍旅之處。伏候

聖裁。

諭內閣。僧格林沁奏。遵旨查奏天津失事大員一摺。革職留任護軍統領珠勒克。馬隊傷亡。營盤不整。刑部侍郎國瑞。雖營盤未動。惟未能上前接應。各有應得之咎。珠勒克。國瑞。著交部分別嚴加議處。已革副都統富勒敦。統帶京營礮位。駐紮北岸。竟

將暇位營盤全行失陷。著卽拏問。同己革提督張殿元。總兵達年。副將德魁。一併押解來京。交惠親王。載垣。端華。會同刑部嚴行審訊。按律定擬具奏。直隸總督譚廷襄。有耽轄綠營之責。據奏兵力足恃。布置皆妥。乃一經開仗。卽失礮臺。貴屬督率無方。並據僧格林沁。查取國瑞等供。是日該督坐轎奔走。尤為恇怯。無能。大負委任。譚廷襄著卽革任來京。聽候查辦。

禮部尚書徐澤醇奏。竊惟海防莫先於大器。而制器全賴得人。臣近聞廣東駐防紀世材精於鑄造大器。曾有鑄造大器等書。據曾任海疆之總兵王鵬年。親歷驗試。甚為利用。其法製大器。有由水中行人不及見。機一發動。藥火

即從水內上烘。猛烈異常。並稱該駐防技藝精良。年力正富。其鑄造火器之法。機巧不輕示人。當此海防喫緊之際。折衝禦侮。亟須揀用良才。應請

敕下廣州將軍。密飭該駐防朱京。令其如法試造。儘能施放得宜。沿海地方。皆可一律製造。外可攘夷。內可盈寇。未始不可收臂指之效。

奉旨。禮部尚書瑞麟奏。努謹於初六日

陛辭跪聆

宸訓後。遵即於初七日起程。行抵通州。見僧格林沁會商籌辦。隨於初八日馳赴津郡。十二日至海口。努沿途查看地勢。自

葛沽以下河面漸次加寬。無險可扼。惟查有雙港地方。距天津三十餘里。地勢較高。河身亦隘。勢往返覆勘。相度情形。謹擬在東西兩岸。擇要紮營。安設礮臺。足資捍禦。現擬即日興修。以期豫為防範。至海口一帶。勢連日周。應履勘南岸礮臺三座。北岸礮臺均被夷人拆毀。擬俟籌備經費。購辦物料。即行妥為布置。

硃批知道了。

癸亥。

欽差大臣科爾沁親王僧格林沁。察哈爾都統西凌阿奏。現於十五。飛咨。

盛京將軍。熱河都統。山海關副都統。查明前項蒙古兵。行抵何處。即行全數截回。該官兵中途奉撤。並未到隊。擬請無須。

獎賞。至伊興額請調馬匹。拏僧格林沁。遵即派員前赴

南苑。查看現在軍需馬匹內。堪以勻撥馬四百匹。解交該營應用。惟正值暑熱大雨時行之際。擬請緩至八月初間。由上駟院派委妥員。並咨調直隸委員。會同管解前進。以期迅速。再拏等接准瑞麟咨稱。現在查看地勢。勘得雙港東西岸平坦高阜。堪以紮營。安設礮臺。應須物料等件。刻已設法購辦樹木一項。惟上坊有楊柳一千餘株。可備保擇。其

餘地方並無可採之木等因。竊伏查津郡附近地方樹木既屬稀少。自宜變通購覓。以應急需。當經剴飭通永霸昌二道。各於所屬州縣採辦椿木三萬根。陸續解送通州運河浮橋。督等派員隨時由河沿趕緊運往天津。以期無誤工作。

輸內閣。僧格林沁等奏。截撤蒙古官兵一摺。所有前調之哲里木昭烏達兩盟官兵各一千名。著准其全數截撤。應賞調銀兩仍照例由京頒發。即著僧格林沁咨令該兩盟帶兵官迅速造具員名兵數清冊咨報軍機處。其哲里木盟賞件由山海關給發。昭烏達盟賞件由熱河給發。如該官兵尚未行抵各該處。即

著常清定福各派妥員分道齎往按名散給

甲子。

諭軍機大臣等。前因夷船闖入大沽海口。帶兵各員。逃竄債事。已明降諭旨。將管帶京兵之富勒敦泰等。並管帶練營兵之張殿元等。分別革拏嚴訊。惟此次駐劄海口兵數不少。尚有譚廷襄派出辦理營務之文武大員。自係同時逃散。著瑞麟確切查明。當礮臺失事之時。海口帶兵各員。又自道府武自參遊以下。均係何人。其隨同逃退者。係屬何員。即行據實奏報。候旨查辦。

乙丑。兵部奏。查革職留任提軍統領珠勒亨。馬隊傷亡。營盤不整。刑部侍郎國瑞。營盤未動。惟未能上前援應。各有

應得之咎。欽奉。

諭旨。著吏部分別嚴加議處。應請將革職留任正黃旗護軍統領珠勒亨。照官員溺職者革職例。即行革任。刑部左侍郎宗室國瑞。應比照盜賊嘯聚地方。提督總兵。聞報不遣發官兵會剿。以致賊勢蔓延。官兵失利者。降三級調用。私罪例。上。從嚴加等議。以降四級調用。毋庸查加級抵銷。

諭內閣。兵部奏。遵議天津失事大員處分一摺。革職留任護軍統領珠勒亨。著照部議。即行革任。刑部左侍郎宗室國瑞。著照部議。降四級調用。不准抵銷。珠勒亨。國瑞。著發往僧格林沁軍營。聽候差遣委用。

丁卯伊犁將軍扎拉芬奏。接准俄夷西畢爾來咨內稱。現派匪蘇勒官。作為辦事之阿魯特。前往塔爾巴哈台。同看貨物。判斷完事等語。續據該夷咨稱。我們派出之阿魯特。前往塔爾巴哈台。判斷完事。貴處覆文。想將阿魯特前來伊犁商議。較為簡便。並應等候我們薩納特衙門。咨你們理藩院覆文。到時曉辦。並說令我們前往塔爾巴哈台之匪蘇勒官。帶領原貿易人等。先往彼處。將所存貨物領回等因。我們自應寄覆貴處。一則我們辦事全遵上司文派。阿魯特即由薩納特衙門交派。我們想著薩納特衙門。與貴理藩院。已有覆文矣。二則貴處焚搶圍子之後。欲將

所存商貨交回之意。非止一次。必當同兩邊保舉大臣官
員。先將貨物情形細看後。再為判斷。若說你們現在參贊
大臣。與咱們所議之事。未能深悉。即仿著我們派出曉事
大臣。向我們辦事之阿魯特商議辦理。三則前駐塔爾巴
哈台之匡蘇勒官。早已調往別任。現在遠處當差。其貿易
之人。非居一城一處。且不知何人之貨物收存。何人之貨
物遺失。若令他們前來彼處。不但非便。且滋徒費。因此薩
納特衙門。派全權辦事之阿魯特。前往塔爾巴哈台之意。
是不能止。惟望貴處亦派保舉大臣前往。同我們辦事之
阿魯特。查看貨物。彼此商議。判斷完事。如此而行。於兩國

舊日和好之道。益固顯然矣。將此寄信貴處。速與回文等。因據該夷此次來文。並無挾驚情形。將來似可無虞決裂。惟有勉竭血誠。與明誼隨時相機籌商妥辦。一俟該夷遣官前來。自可設法羈縻。徐圖結束。

諭軍機大臣等。孔拉芬奏。續接俄夷來咨。察其詞意。漸已就範。相機妥籌辦理一摺。俄酋善提雅廷。本年在天津海口。所求五口通商。業已允准。其獲利甚厚。又俄酋木哩斐岳幅。至黑龍江勘地。業經夷山如其所請。與以空曠之地。該夷甚為感激。普酋曾於天津許備搶礮。由該國送來。此次來文。並不執議賠償。僅以查看貨物商議完事為詞。總為中國優待之故。可即派委員

與之議結。毋庸再加辯駁。諒必無起釁之心。惟天津黑龍江之事。亦不必與之明言。至調兵示威。原可不必。著照該將軍所議。相機控馭。咨照明誼。妥辦可也。該將軍四月所奏。該吏咨文。當即諭理藩院。行知薩納特衙門矣。

兩江總督何桂清奏。喫味拂三夷。現據留署蘇松太道薛煥。密稟。已於六月初二初四初十等日。駛回上海。並據呼泰。囑前赴道署面稱。所求各條。已奉

俞允。准其在牛莊登州。湖州。臺灣。瓊州。鎮江。漢口等處。設立馬頭。不日當奉

諭旨。敕下江蘇巡撫。前赴上海。就近會議稅則等語。臣正在欽遵。

訓諭先行恭錄明發

諭旨照會該酋令其靜候開。又據薛煥稟呈喚首照會桂良花沙納公文一件。並據稟明該夷兵船已陸續駛回香港。亦聞有收入上海者。該夷因未奉到

諭旨。仍欲北上。該升道已婉為阻止。臣拆閱照會內。有到滬迄今十日。未聞江蘇巡撫趙升任臬司薛奉得應頒之權。並耽延時日。復行北上之語。除將該夷送到原文。轉遞桂良等查收外。照錄恭呈

御覽。欽奉明發

上諭。臣恐僅止照會喚夷。而不照會未歸俄三藩。將來又有藉口。

是以一律照知欽遵。俟其奉到後。有無動靜。再行酌量辦理。所有熟悉吏務之員。現在會商撫臣趙德轍。密為派定。俟桂良等到蘇後。再行飭調隨往。至哮喘。本係英國通事。能通漢文。能說漢語。行為甚為詭譎。善於探聽內地時事。聞亦肯將各吏奸計暗遞消息。咸豐四年冬。江海關更換司稅。該吏面求前撫臣吉爾杭阿。照會該國公使。准其充當司稅。該吏尚知感激。數年來開稅較旺。未始非該吏嚴查偷漏之加。是以歷任蘇松太道。無不加以顏色。駕馭而用之。其現在籲請

欽派撫臣趙德轍。督同薛煥查辦稅則者。因撫臣薛煥。恩信足以

服之不致以異類相視。彼即可據為奇功。矜示各夷也。天
子所定通商條約。及鎮江等處。果否准其設立馬頭。臣雖
未見明文。而呼嚕圖向薛煥所言。必非無因。臣輟轉思維。
倂惶四顧。欲善其後。惟有藉會議通商稅則。聊以補救。臣
前此既不能挽留黃宗漢。即在上海會議。致任閹人
幾輔重地。肆其要求。人之我戰。必克之力。出奇制勝。業已學
尤叢集。敢不會同桂良等商之撫臣趙德轍。屏絕浮議。嚴
防洩漏。上東

廟謨。維持大局。務期勿再另生枝節。杜其得步進步。以冀仰紓
宵旰之憂。

論軍機大臣等何桂清奏。嘆味。卽三首。駛回上海。並嘆夷呈遞照會一摺。前派桂良等。前往江蘇。會同何桂清。妥議通商稅則事宜。茲據該督奏稱。六月初二等日。嘆味。卽駛回上海。照會桂良等公文。內有到滬已十日。未聞進謁。臬司奉得應須之催。並耽延時日。復行北上之語。自係該夷尚尚未見欽派桂良等。前往江蘇之旨。現在何桂清已將前旨照會各夷。該夷自必靜候。惟桂良等馳往江蘇。尚需時日。該督須豫飭薛煥。曉諭該夷。告以時值海暑。欽差由陸路前來。未能剋期。此時爾等若赴天津該處。已無辦事之人。無可商酌。自應在滬等候。一俟欽差到蘇。即可會辦。如此好言羈縻。勿令遽行北駛。仍密探該夷動靜。隨時

馳奏○

又

諭本日據何桂清奏○喫味啡三夷酋○駛回上海○因未奉到諭旨○仍欲北上○何桂清已將前派桂良等○前往江蘇諭旨○照會各夷○諒該夷自必靜候○惟桂良等到蘇○尚需時日○設該夷復行來津探問○著瑞麟○告以欽差業經起程南去○此地無可商辦之人○勸其回至上海○會同議事○一面嚴密防範○應修礮臺○難趕辦不及其沿海一帶陸路○及海河寬處○應如何安礮設兵○妥為籌防之處○著迅速辦理○

戊辰○著直隸總督瑞麟奏○覆勘雙港地勢○僅擬於西岸紮

營六座。東岸紮營四座。安設礮臺。現已興工。應須物料等件。至宜設法購辦。查樹木一項。津郡惟上坊有楊柳一千餘株。堪備採擇。其餘地方。並無可採之處。當飭沿海各州縣。體察情形。勸諭鄉民。捐辦樹株。估計價值。量予獎勵。一面咨商。

欽差大臣僧格林沁。趕緊籌辦。旋准覆稱。即飭通永霸昌二道。各於所屬。購辦木椿三萬根。由通州運赴天津。該價由天津捐輸項下發給等語。並由僧格林沁。抽撥各營監造礮臺。營壘官兵前來。督通盤籌畫。此項工程。所需經費甚鉅。無米之炊。殊難措手。節經督設法籌商。諄勸以期集腋成裘。

眾舉易舉。據長蘆鹽政烏勒洪額捐銀二萬兩。已革直隸
總督譚延襄捐銀二千兩。鹽運使克明捐銀三千兩。天津
道吳毓捐銀五千兩。永定河道崇厚捐銀二千兩。應俟捐
項繳齊。咨牙案。另行奏懇。

恩施量予獎勵。至直隸藩臬及道府各員。尚未據報捐數。諒無不
念切時艱。情殷報效。並擬令轉飭各屬一體量力捐輸。以
濟要需。惟現在工程緊要。需用孔殷。勢難停工待餉。勢再
四思。惟惟有仰懇

天恩。俯准由直隸藩庫先行籌款。暫撥銀三萬兩。即日派員護解
來津。俾資興築。一俟津卹捐餉集有成數。即當陸續歸款。

以重庫儲

諭軍機大臣等。瑞麟奏籌款修築營盤。設法捐輸。並先借撥藩庫銀兩等語。天津防堵事宜。昨經諭令該署督趕緊辦理。若專待捐款。恐緩不濟急。著准其在藩庫先撥銀三萬兩墊用。惟工用尚多。即軍械及鉛丸大藥等需。亦恐不少。該省藩運各庫。能否再行墊撥。著瑞麟即飭藩運兩司酌量籌畫。儘庫款不敷。即著奏請部撥庫銀數萬兩。以濟急需。俟續捐得有成數。再行撥還部庫。如此一轉移間。所有應辦事宜。不至遲緩。至捐輸各員。准其俟繳齊銀兩。奏請獎敘。該署督先就現有款項。相度地勢。擇要興工。妥速辦理。

又

諭前因夷人急候欽差往議稅則。曾密諭何桂清。告以時值溽暑。欽差由陸路前來。未能剋期。仍用好言羈縻。令其在滬等候。勿任北駛。惟桂良等自京起程。沿途尚有查辦事件。未能即時到滬。誠恐各該夷迫不及待。別生枝節。著何桂清即派按察使留署蘇松太道薛煥。與各該夷清查歷年夷稅。自五口通商以後。上海關每年共交若干。廣州等四口共交若干。令各該夷覈實報出。俟桂良等到後。再行覈辦。如該夷問及緣何清查緣由。可告以大皇帝知爾等近年稅銀多有喫虧之處。是以清查明晰。將來不至爾等再有賠累。該臬司既為夷人所服。即責令妥為

竊原俾得從容等候。勿令該吏再行北駛。

庚午。庫倫辦事大臣德勒克多爾濟等奏。前據固畢爾那
托爾來春提及從前庫倫派員赴額爾口送文路費。自該
員移居托羅伊察克薩菩薩庫依城以來。已經停止。嗣後
派赴庫倫往返供應羊隻等項。均請停止。所備物件。照數
給價。請飭蒙古人等進行等語。咨行前來。當即咨駁。茲據
固畢爾那托爾來春稱。往返供應物件。均請停止。其派赴庫
倫使臣用項。照舊預備。驛站供應。照數給價等語。再三
請前來。查兩國派員送文。由驛供給。辦理有年。若如該吏
所請。與舊章不符。似應再為咨駁。謹將咨行固畢爾那托

爾久底呈

覽

給俄羅斯咨文

為咨行事。昨於本年四月間。據貴國瑪爾爾咨稱。因公差
來使臣往返之間。我國驛站。日用羊隻。以及收取茶價。聲
明原由。申報木哩斐岳。及署岡畢爾那托爾。今將驛站
日用羊隻。以及收取茶價。均行停止。嗣後驛站預備物件。
照數給價。請飭諭蒙古人等等因。咨行前來。當以爾國來
使。毋庸照瑪爾爾申報。均擬停止羊隻等項。其餘應需物
件。按照兩國和好。照常備用。亦毋庸由爾國給價等語。咨

覆在案。茲據爾署同畢爾那托爾人稱。本國使臣。由蒙古
地方行走。驛站備用羊隻。及收取茶價。已經本哩斐岳幅
停止。似此路費。照常支應。於禮不合。所有使臣驛站備用
物件。如數給價之處。仍請飭諭蒙古人等。等因。復行稟懇
前來。查從前爾國一切因公遣來使臣沿途用項。均由驛
站支應。由來久矣。我國驛站。從未得過價值。今爾國欲給
驛站物件價值。雖為體恤丁力起見。惟本國驛站。係為支
應往返官差而設。與商人索價者。大相逕遠。且我國諸事
仍照舊章辦理。若爾國來使。於驛站支應泛常物件。即欲
給價。實與舊章不符。相應咨覆。著爾國畢爾那托爾。嗣後爾

國未使應需羊隻等項。仍按兩國和好。照例備用。爾國母庸給與價值。謹按和好再行咨覆可也。為此咨行。

硃批覽。

奉 上

諭軍機大臣等。德勒克多爾濟等奏。據俄羅斯署岡畢爾那托爾雙聿多羅雙赤文稱。呈請停止驛站。供應藍費羊隻等物。請旨飭駁一摺。俄夷岡畢爾那托爾。懇請將兩國使臣由驛往來。停止供應藍費羊隻等物。實屬不合舊制。著德勒克多爾濟等。於此次咨覆時。即應諭以本貝子等業經奏明。奉大皇帝諭旨。中國與外國相交。凡事均有定例。未便輕議更張。若一旦將驛站

供給之物停止亦非懷柔遠人之意况驛站所備盤費羊隻等項所費無多不致擾累如此行又諒可杜其更張之漸

署直隸總督瑞麟奏現築礮臺雖趕辦不及而沿海一帶河陸維繫之處並無保衛捍禦之區若其間安礮設兵非惟無可把握亦且徒費虛糜竊詳細勘度惟有前奏雙港設礮紮營誠為扼要之區竊一面嚴飭趕緊搶辦一面飛商

欽差大臣僧格林沁酌撥勁兵二千名豫為備調先由通州各營礮位及現在鑄成萬斤礮位酌撥大小二十尊即速運津以資防守至陸路一帶現有托明阿管帶馬隊官兵一千

名亦在雙港陸路扼要設防可期聯絡聲勢

諭軍機大臣等據瑞麟奏遵旨速籌防範已咨商僧格林沁酌撥
勁旅二十名備調並由通州各營內撥大小礮位二十尊赴津
等語。查船有仍欲未津之說想不過虛聲恫喝即使果來探聽
消息瑞麟惟當好言開導原無須多兵耀武惟有備無患自應
豫為籌畫所需兵丁礮位著僧格林沁酌量調撥應用至礮臺
營壘均應次第修築雙港地方既為扼要即著先行辦理其餘
各工亦可陸續興辦毋稍遲緩

士申

諭內閣刑部員外郎段承實著賞加五品卿銜前往上海幫同挂

良等查辦稅則事宜。

又

諭已革直隸總督譚廷襄。防堵海口。不能實力抵禦。以致賊臺失陷。夷船駛入內河。前據僧格林沁查參。業經降旨。飭令來京聽候查辦。著派惠親王。載垣。端華。會同刑部。訊明失事退避各情。按律定擬具奏。

善解吏務始末卷之二十九